

NAQQIUT

Taarserpaa akissuteqaat 13. Oktober 2023-meersoq
(Oqaaseqatigiit kingulliup tullia peerneqarpoq)

Arpattarfiit aammalu atletik atorlugu sungiusartarfiit allat nuna tamakkerlugu sananeqarsinnaanerinik periarfissanik misissuinissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut
(Inatsisartunut ilaasortaq Nivi Olsen, Demokraatit)

Akissuteqaat

(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Siullermeerneqarnera

Inatsisartunut ilaasortap Nivi Olsen, Demokraatit aalajangiiffigisassatut siunnersuuteqarsimaneranut Naalakkersuisut aallarniutigalugu qujassutigisavaat.

Naak Kalaallit Nunaanni aalajangersimasumik timersornermut atortorissaaruteqanngikkaluartoq kalaallinut timersortartunut timersuutininik timersorneq takornartaavissunngilaq. Taamaalilluni najukkani timersuutininik unamminerit assigiinngitsut ingerlanneqartarsimapput. Najukkani arpannerit aaqqissuunneqartartut arpattartullu nunani allani aaqqissuussinernut assiginngitsunut peqataasartut ullumikkut taamaallaat nalunngilagut. Qeqertarmiut unammuaarneranni 10.000 meterimut arpannermi Kalaallit Nunaata guldinannera siulleg timersuutini arpattartumik 2007-imi qulakkeerneqarpoq.

Tamatta eqqaamavarput piffissamilu sivisuumik eqqaamassallugu Kalaallit Nunaata oqaluttuarisaanerani aappassaa arnartagut assammik arsartartut nunarsuaq tamakkerlugu pissartanngorniunnermut anngummata. 2023-p aasaanerani unammersuaarnerit nuannersimaqaat, maani nunatsinni Nunarsuarmi Pissartanngorniunnermut anngunniunnernut nunat Amerika avannarleq Caribiemilu nunat unammisimapput. Ukiut ingerlanerini timersuutini assigiinngitsuni nunarput amerlilgaluttuinnartunit takutinneqartalersimavoq. Tamanna pitsaasumik ineriartoreruvoq, nangittariaqarparpullu.

Siunnersuuteqartoq Naalakkersuisut ugguuna isumaqatigaat ullumikkut timersortarfissuit amerlasuut nungullarsimasut. Tamanna ikiorsiiffiginiarlugu Aningaasanut Inatsisikkut illorsuarnik timersortarfinnik iluarsaassinernut tapiissutit siunertamut aningaasat immikkoortinneqarnerat kommuninut imaluunniit illorsuarnut timersortarfinnut imminnut pigisunut qinnuteqareernikkut tapiissutitut tunniunneqartartut Inatsisartut qulakkeerpaat. Taamaattorli 2023-mut Aningaasanut Inatsimmi ukiunut missingersuusiorfiusunut siunertamut aningaasanik immikkoortitsisoqanngilaq.

Tamatuma saniatigut kommunit imaluunniit illorsuit timersortarfiit imminnut pigisut ilaatigut timersornermut tunngasunik sanaartornernut matumani ilanngullugit timersornermi atortorissaarutit pioreersut ineriartortinneqarnerinut aningaasanik tapiissutinik Najukkanut Sanaartugassanullu Aningaasaateqarfimmut tapiissutinik qinnuteqarnissamut periarfissaqarput. Sunngiffimmi inuunermi aalanerulernissamut, nuannaarnerulernermut

pitsaanerulersitsinermullu tunngaviusunut tapersersuisut Najukkanut Sanaartugassanullu Aningaasaateqarfik ineriartortitsinermut aningaasaateqarfiuvoq.

Inuunermet peqqinnarnerusumut innuttaasut suliniuteqarnerata nukittorsarnissaa siunertaralugu piffissamut 2023-2027-mut angusassat pillugit isumaqatigiissut Naalackersuisut aamma Kalaallit Nunaanni Timersoqatigiit Kattuffiata atsiorpaat. Timersornermut atortorissarutinik pioreersunik siunissamilu pisariaqartitsinermut misissueqqissaarnissap suliarineqarnissaa Naalackersuisut aamma Kalaallit Nunaanni Timersoqatigiit Kattuffiata ilaatigut isumaqatigiissutigaat.

Kommunimi timersornermut timigissarnermullu arlaqartunik assigiinngitsunik neqerooruteqarnermut kommunalbestyrelsi pingaarnertut akisussaavoq tamatumunngalu anguniakkanik tunngavinnillu aalajangersaassalluni. Timersortarfinnik sanaartornermut, iluarsaassinermut aaqqissuussinermullu Aningaasanut Inatsimmi siunertamut aningaasanik immikkoortitsisoqarsimappat Naalackersuisut tapiissuteqarsinnaapput.

Naalackersuisut maluginiarpaat aningaasanik killiliussat ½ mio. kr.-nit iluanni misissuineq suliarineqarsinnaasoq siunnersuuteqartup missiliorsimagaa. Naalackersuisut naliliipput siunnersuutigineqartutut suliaasaq annertutigisoq 1 mio. kr.-nit missaat tunngavigalugit aaqinneqarsinnaassasoq.

Tamanna tunngavigalugu siunnersuutip akuersissutigineqarnissaa Naalackersuisut inassutigaat.